

თიანეთის მუნიციპალიტეტის საკრებულოს

დადგენილება №8
2022 წლის 13 აპრილი

დაბა თიანეთი

„თიანეთის მუნიციპალიტეტში რეგისტრირებული მოსახლეობისათვის სოციალური დახმარების გაცემის წესის“ დამტკიცების შესახებ

„ადგილობრივი თვითმმართველობის კოდექსი“ საქართველოს ორგანული კანონის მე-16 მუხლის მე-3 და მე-4 პუნქტების და ნორმატიული აქტების შესახებ საქართველოს ორგანული კანონის 25-ე მუხლის პირველი პუნქტის „ბ“ ქვეპუნქტის საფუძველზე, თიანეთის მუნიციპალიტეტის საკრებულო ადგენს:

მუხლი 1.

დამტკიცდეს „თიანეთის მუნიციპალიტეტში რეგისტრირებული მოსახლეობისათვის სოციალური დახმარების გაცემის წესი“ დანართის შესაბამისად.

მუხლი 2.

ძალადაკარგულად გამოცხადდეს „თიანეთის მუნიციპალიტეტის ტერიტორიაზე მცხოვრები მოსახლეობისათვის სოციალური დახმარების გაცემის წესის დამტკიცების შესახებ“ თიანეთის მუნიციპალიტეტის საკრებულოს 2018 წლის 24 აგვისტოს №50 დადგენილება (www.matsne.gov.ge). გამოქვეყნების თარიღი: 29.08.2018 წ., სარეგისტრაციო კოდი: 280010000.35.154.016381).

მუხლი 3.

დადგენილება ძალაშია გამოქვეყნებისთანავე.

თიანეთის მუნიციპალიტეტის
საკრებულოს თავმჯდომარე

სოსო მამულაშვილი

თიანეთის მუნიციპალიტეტში რეგისტრირებული მოსახლეობისათვის სოციალური დახმარების გაცემის წესი

მუხლი 1. ზოგადი დებულებები

1. ეს წესი განსაზღვრავს თიანეთის მუნიციპალიტეტში რეგისტრირებული მოსახლეობისათვის, მუნიციპალიტეტის ბიუჯეტიდან სოციალური დახმარების გაცემის წესსა და მისი მიღების პირობებს, მიმღებთა კატეგორიებს, მუნიციპალიტეტში წარმოსადგენ დოკუმენტაციას და დახმარების სახით გასაცემი თანხის ოდენობას.

2. პროგრამის მიზანია დაეხმაროს და ხელი შეუწყოს მოსახლეობას კვალიფიციური და სპეციალიზებული სამედიცინო მომსახურების მიღებაში, სოციალური მდგომარეობის გაუმჯობესებაში.

მუხლი 2. თიანეთის მუნიციპალიტეტის ბიუჯეტიდან ფინანსდება

1. მოქალაქეებისათვის სამედიცინო მომსახურება.
2. მედიკამენტების დაფინანსება.
3. ჰემო-დიალიზით მოსარგებლე მოქალაქეები.
4. თიანეთის მუნიციპალიტეტში მცხოვრები შშმ ბავშვების ოჯახები.



5. შეზღუდული შესაძლებლობის მქონე პირები.
6. ეკონომიკურად შეჭირვებული მოსახლეობისათვის ერთჯერადი ფულადი დახმარება.
7. მეორე მსოფლიო ომის მონაწილეები და მათთან გათანაბრებული პირების ერთჯერადი ფულადი დახმარება.
8. საქართველოს ტერიტორიული მთლიანობისათვის მებრძოლი შშმ პირები.
9. ობოლი ბავშვების ერთჯერადი ფულადი დახმარება.
10. 100 და 100 წელს გადაცილებულ მოქალაქეების ერთჯერად ფულადი დახმარება.
11. სამშობლოს დაცვისას დაღუპულთა და ომის შემდგომ გარდაცვლილ მეომართა სარიტუალო მომსახურება.
12. სოციალურად დაუცველი ოჯახების შვილების ერთჯერადი ფულადი დახმარება, რომელთაც საჯარო სკოლა დაამთავრეს ოქროსა და ვერცხლის მედალზე.
13. თიანეთის მუნიციპალიტეტში მცხოვრები მრავალშვილიანი ოჯახების ერთჯერადი ფინანსური დახმარება.
14. ახალშობილთა ოჯახების დახმარება.
15. ბიოლოგიური ოჯახებში რეინტიგრირებულ ბავშვთა ოჯახების დახმარება.
16. უპატრონო მიცვალებულის ან უკიდურესად გაჭირვებული ოჯახის მიცვალებულის დაკრძალვის სარიტუალო ხარჯი.
17. სტუდენტთა ფინანსური დახმარება.
18. ახალდაქორწინებული ოჯახების ფინანსური დახმარება.

მუხლი 3. ეკონომიკურად გაჭირვებული მოქალაქეებისათვის სამედიცინო მომსახურების დაფინანსება (თანადაფინანსება)

1. სამედიცინო დახმარების საჭიროების შემთხვევაში, მუნიციპალიტეტის მიერ შეიძლება დაფინანსდეს ნებისმიერი სახის სამედიცინო მომსახურება. (გარდა ესთეტიკური ქირურგია, კოსმეტიკური მიზნით ჩატარებული მკურნალობა; ქვეყნის გარეთ მკურნალობა, სანატორიულ-კურორტული მკურნალობა).
2. სამედიცინო კვლევები თიანეთის მუნიციპალიტეტის მხრიდან დაფინანსდება:
 - ა) ონკოდაავადების მქონე მოქალაქეებისათვის, შეზღუდული შესაძლებლობის მქონე პირებისათვის, სოციალურად დაუცველი ოჯახების მონაცემთა ერთიან ბაზაში რეგისტრირებული პირებისათვის, რომელთაც მინიჭებული აქვთ 0-100 000-ის ჩათვლით სარეიტინგო ქულა – არაუმეტეს 500 ლარისა;
 - ბ) თიანეთის მუნიციპალიტეტში რეგისტრირებული სხვა კატეგორიის მოქალაქეებისათვის – არაუმეტეს 400 ლარისა.
3. ამბულატორიული და სტაციონარული მკურნალობა თიანეთის მუნიციპალიტეტის მხრიდან დაფინანსდება ეკონომიკურად გაჭირვებული პირებისათვის:
 - ა) სამედიცინო მომსახურება, რომლის ღირებულებაც 500 ლარის ჩათვლით, თიანეთის მუნიციპალიტეტის მიერ დაფინანსდება 100%-მდე;
 - ბ) სამედიცინო მომსახურება, რომლის ღირებულებაც 501-1000 ლარის ჩათვლით, თიანეთის მუნიციპალიტეტის მიერ დაფინანსდება – არანაკლებ 500 ლარისა;



გ) სამედიცინო მომსახურება, რომლის ღირებულებაც 1001-3000 ლარის ჩათვლით, თიანეთის მუნიციპალიტეტის მიერ დაფინანსდება 50 %-მდე;

დ) სამედიცინო მომსახურება, რომლის ღირებულებაც 3001-5000 ლარის ჩათვლით, თიანეთის მუნიციპალიტეტის მიერ დაფინანსდება 40 %-მდე;

ე) სამედიცინო მომსახურება, რომლის ღირებულებაც 5001 ლარის ზევით, თიანეთის მუნიციპალიტეტის მიერ დაფინანსდება –არაუმეტეს 2000 ლარისა;

ვ) მოქალაქისათვის სამედიცინო მომსახურების განმეორებით დაფინანსება შესაძლებელია არაუმეტეს 500 (ხუთასი) ლარისა (წელიწადში არაუმეტეს ორჯერ).

4. თიანეთის მუნიციპალიტეტის მხრიდან ასანაზღაურებელი თანხა განისაზღვრება მოქალაქის მიერ გადასახდელი თანხის ოდენობიდან (საყოველთაო ჯანდაცვის პროგრამის, კერძო დაზღვევით დაფინანსების გათვალისწინებით).

5. დაფინანსების მისაღებად მუნიციპალიტეტში წარსადგენი დოკუმენტებია:

ა) განცხადება მუნიციპალიტეტის მერის სახელზე;

ბ) განმცხადებლის პირადობის მოწმობის ასლი;

გ) ცნობა ჯანმრთელობის მდგომარეობის შესახებ (ფორმა 100);

დ) ანგარიშ-ფაქტურა (ან ინვოისი);

ე) საყოველთაო ჯანდაცვის მართვის დეპარტამენტის (ან კერძო დაზღვევის) მიერ გაცემული მიმართვა სამედიცინო მომსახურების დაფინანსების თაობაზე (დაფინანსების შემთხვევაში);

ვ) ამონაწერი სოციალურად დაუცველი ოჯახების მონაცემთა ერთიანი ბაზიდან;

ზ) შშმ პირებისათვის სტატუსის დამადასტურებელი დოკუმენტი;

თ) შესაბამის ადმინისტრაციულ ერთეულში მერის წარმომადგენლის ცნობა – დახასიათება სოციალურ-ეკონომიური მდგომარეობის შესახებ.

6. ანგარიშსწორება მოხდება შესაბამის სამედიცინო დაწესებულების ანგარიშზე, მხოლოდ სამედიცინო დაწესებულების მიერ შესრულებული სამუშაოს საბოლოო დოკუმენტაციის წარმოდგენის შემდეგ.

მუხლი 4. მედიკამენტების დაფინანსება

1. განმცხადებელი, რომლის სარეიტინგო ქულა სოციალურად დაუცველი ოჯახების მონაცემთა ერთიან ბაზაში 0-100 000-ის ჩათვლითაა, მედიკამენტების დაფინანსებით ისარგებლებენ 400 (ოთხასი) ლარამდე წელიწადში ერთხელ.

2. განმცხადებელი, რომლის სარეიტინგო ქულა სოციალურად დაუცველი ოჯახების მონაცემთა ერთიან ბაზაში, 100 000-ის ზევითაა, მედიკამენტების დაფინანსებით ისარგებლებენ 300 (სამასი) ლარამდე წელიწადში ერთხელ.

3. ონკოლოგიური დაავადების მქონე მოქალაქეები მედიკამენტების დაფინანსებით ისარგებლებენ 400 (ოთხასი) ლარამდე წელიწადში ერთხელ.

4. მედიკამენტების დაფინანსება განმეორებით შესაძლებელია არაუმეტეს 200 (ორასი) ლარისა (წელიწადში არაუმეტეს ორჯერ).



5. მუნიციპალიტეტში წარმოსადგენი დოკუმენტებია:

- ა) განცხადება მუნიციპალიტეტის მერის სახელზე;
- ბ) პირადობის მოწმობის ასლი;
- გ) ექიმის დანიშნულების საფუძველზე გაცემული ცნობა ჯანმრთელობის მდგომარეობის შესახებ (ფორმა 100/ა);
- დ) ანგარიშ-ფაქტურა (ინვოისი);
- ე) ამონაწერი სოციალურად დაუცველი ოჯახების მონაცემთა ერთიანი ბაზიდან;
- ვ) შესაბამის ადმინისტრაციულ ერთეულში მერის წარმომადგენლის ცნობა – დახასიათება სოციალურ-ეკონომიური მდგომარეობის შესახებ.
- ზ) ანგარიშსწორება მოხდება უნაღდო ანგარიშსწორებით.

მუხლი 5. თიანეთის მუნიციპალიტეტში რეგისტრირებული ჰემო-დიალიზით მოსარგებლე მოქალაქეების დახმარება

1. თიანეთის მუნიციპალიტეტში რეგისტრირებული ჰემო-დიალიზით მოსარგებლე მოქალაქეები მიიღებენ ერთჯერად ფინანსურ დახმარებას წელიწადში 500 (ხუთასი) ლარის ოდენობით.
2. მუნიციპალიტეტში წარმოსადგენი დოკუმენტებია:

- ა) განცხადება მუნიციპალიტეტის მერის სახელზე;
- ბ) პირადობის მოწმობის ასლი;
- გ) ჯანმრთელობის ცნობა;
- დ) საბანკო ანგარიში;
- ე) ანგარიშსწორება მოხდება უნაღდო ანგარიშსწორების ფორმით.

მუხლი 6. თიანეთის მუნიციპალიტეტის ტერიტორიაზე მცხოვრები შშმ ბავშვთა ოჯახების დახმარება

1. თიანეთის მუნიციპალიტეტის ტერიტორიაზე მცხოვრები შშმ ბავშვთა ოჯახები მიიღებენ ერთჯერად ფინანსურ დახმარებას 300 (სამასი) ლარის ოდენობით, წელიწადში ერთხელ.
2. მუნიციპალიტეტში წარმოსადგენი დოკუმენტებია:

- ა) მშობლის ან მეურვის/მზრუნველის განცხადება მუნიციპალიტეტის მერის სახელზე;
- ბ) განმცხადებლის პირადობის მოწმობის ასლი;
- გ) ბავშვის დაბადების მოწმობის ასლი;
- დ) შშმ სტატუსის დამადასტურებელი დოკუმენტი;
- ე) საბანკო ანგარიში;
- ვ) ანგარიშსწორება მოხდება უნაღდო ანგარიშსწორების ფორმით.

მუხლი 7. თიანეთის მუნიციპალიტეტში რეგისტრირებულ შშმ პირთა ფინანსური დახმარება



1. თიანეთის მუნიციპალიტეტში რეგისტრირებული შპმ პირები მიიღებენ ერთჯერად ფულად დახმარებას წელიწადში ერთხელ:

- ა) მკვეთრად გამოხატული შპმ პირი – 200 (ორასი) ლარი;
- ბ) მნიშვნელოვნად გამოხატული შპმ პირი –150 (ასორმოცდაათი) ლარი;
- გ) ზომიერად გამოხატული შპმ პირი – 100 (ასი) ლარი.

2. მუნიციპალიტეტში წარმოსადგენი დოკუმენტებია:

- ა) განცხადება მუნიციპალიტეტის მერის სახელზე;
- ბ) განმცხადებლის პირადობის მოწმობის ასლი;
- გ) შპმ სტატუსის დამადასტურებელი დოკუმენტი;
- დ) საბანკო ანგარიში;
- ე) ანგარიშსწორება მოხდება უნაღდო ანგარიშსწორების ფორმით.

მუხლი 8. თიანეთის მუნიციპალიტეტში რეგისტრირებული მოსახლეობისათვის ერთჯერადი ფინანსური დახმარება

1. ერთჯერად ფინანსურ დახმარებას 100 (ასი) ლარის ოდენობით მიიღებენ თიანეთის მუნიციპალიტეტში რეგისტრირებული მოქალაქეები, რომელთა შეფასების სარეიტინგო ქულა სოციალურად დაუცველი ოჯახების მონაცემთა ერთიან ბაზაში 0 -დან 120 000-ის ჩათვლითაა.

2. მუნიციპალიტეტში წარმოსადგენი დოკუმენტებია:

- ა) განცხადება მუნიციპალიტეტის მერის სახელზე;
- ბ) პირადობის მოწმობის ასლი;
- გ) ამონაწერი სოციალურად დაუცველი ოჯახების მონაცემთა ერთიანი ბაზიდან;
- დ) საბანკო ანგარიში;
- ე) ანგარიშსწორება მოხდება უნაღდო ანგარიშსწორების ფორმით.

მუხლი 9. თიანეთის მუნიციპალიტეტში რეგისტრირებული მეორე მსოფლიო ომის მონაწილეებისა და მათთან გათანაბრებული პირების ფინანსური დახმარება

1. თიანეთის მუნიციპალიტეტში რეგისტრირებული მეორე მსოფლიო ომის მონაწილეები და მეორე მსოფლიო ომის მონაწილეთან გათანაბრებული პირები მიიღებენ ერთჯერადად 300 (სამასი)ლარს ფაშიზმზე გამარჯვების დღესთან დაკავშირებით (9 მაისი).

2. მუნიციპალიტეტში წარმოსადგენი დოკუმენტებია:

- ა) განცხადება მუნიციპალიტეტის მერის სახელზე;
- ბ) პირადობის მოწმობის ასლი;
- გ) ვეტერანის მოწმობის ასლი;
- დ) საბანკო ანგარიში;



ე) ანგარიშსწორება მოხდება უნაღდო ანგარიშსწორების ფორმით.

მუხლი 10. საქართველოს ტერიტორიული მთლიანობისათვის მეზობლი შშმ პირთა ფინანსური დახმარება

1. თიანეთის მუნიციპალიტეტში რეგისტრირებული საქართველოს ტერიტორიული მთლიანობისათვის მეზობლი შშმ პირები მიიღებენ ერთჯერად ფულად დახმარებას 300 (სამასი) ლარის ოდენობით წელიწადში ერთხელ.

2. მუნიციპალიტეტში წარმოსადგენი დოკუმენტებია:

ა) განცხადება მუნიციპალიტეტის მერის სახელზე;

ბ) განმცხადებლის პირადობის მოწმობის ასლი;

გ) ვეტერანის მოწმობის ასლი;

დ) საბანკო ანგარიში;

ე) ანგარიშსწორება მოხდება უნაღდო ანგარიშსწორების ფორმით.

მუხლი 11. ობოლი ბავშვების დახმარება

1. თიანეთის მუნიციპალიტეტში მცხოვრები ან რეგისტრირებული ობოლი ბავშვები 18 წლამდე მიიღებენ ერთჯერად ფინანსურ დახმარებას 400 (ოთხასი) ლარის ოდენობით წელიწადში ერთხელ.

2. მუნიციპალიტეტში წარმოსადგენი დოკუმენტებია:

ა) მეურვის განცხადება მუნიციპალიტეტის მერის სახელზე;

ბ) განმცხადებლის პირადობის მოწმობის ასლი;

გ) ცნობა სახელმწიფო ზრუნვის სააგენტოდან ბავშვის მეურვის/მზრუნველის შესახებ;

დ) ბავშვის (ბავშვების) დაბადების მოწმობის ასლი;

ე) საბანკო ანგარიში;

ვ) ანგარიშსწორება მოხდება უნაღდო ანგარიშსწორების ფორმით.

მუხლი 12. თიანეთის მუნიციპალიტეტში რეგისტრირებული 100 და 100 წლის ზევით ასაკის მოქალაქეების დახმარება

1. თიანეთის მუნიციპალიტეტში რეგისტრირებული 100 და 100 წლის ზევით ასაკის მოქალაქეები მიიღებენ წელიწადში ერთხელ ერთჯერად დახმარებას 500 (ხუთასი) ლარის ოდენობით.

2. წარმოსადგენი დოკუმენტებია:

ა) განცხადება მუნიციპალიტეტის მერის სახელზე;

ბ) პირადობის მოწმობის ასლი;

გ) საბანკო ანგარიში;

დ) ანგარიშსწორება მოხდება უნაღდო ანგარიშსწორების ფორმით.



მუხლი 13. სამშობლოს დაცვისას დაღუპულთა და ომის შემდგომ გარდაცვლილ მეომართა სარიტუალო მომსახურება

1. თიანეთის მუნიციპალიტეტში რეგისტრირებული სამშობლოს დაცვისას დაღუპულთა და ომის შემდგომ გარდაცვლილის ოჯახის წევრი მიიღებს 250 (ორას ორმოცდაათი) ლარს.

2. მუნიციპალიტეტში წარმოსადგენი დოკუმენტებია:

ა) დაკრძალვის ხარჯის მიმღების განცხადება მუნიციპალიტეტის მერის სახელზე;

ბ) გარდაცვლილის ვეტერანის მოწმობის ასლი;

გ) გარდაცვალების მოწმობის ასლი;

დ) განმცხადებლის გარდაცვლილთან ნათესაური კავშირის დამადასტურებელი დოკუმენტი;

ე) საბანკო ანგარიში;

ვ) ანგარიშსწორება მოხდება უნაღდო ანგარიშსწორების ფორმით.

მუხლი 14. სოციალურად დაუცველი ოჯახის შვილების ერთჯერადი ფინანსური დახმარება, რომელთაც საჯარო სკოლა დაამთავრეს ოქროს ან ვერცხლის მედალზე

1.1. სოციალურად დაუცველი ოჯახის შვილებზე, რომელთაც საჯარო სკოლა დაამთავრეს ოქროს მედალზე და ოჯახის შეფასების სარეიტინგო ქულა სოციალურად დაუცველი ოჯახების მონაცემთა ერთიან ბაზაში 0-65 000-ის ჩათვლითაა, გაიცემა ერთჯერადი ფინანსური დახმარება 500 (ხუთასი) ლარის ოდენობით.

1.2. სოციალურად დაუცველი ოჯახის შვილებზე, რომელთაც საჯარო სკოლა დაამთავრეს ვერცხლის მედალზე და ოჯახის შეფასების სარეიტინგო ქულა სოციალურად დაუცველი ოჯახების მონაცემთა ერთიან ბაზაში 0-65 000-ის ჩათვლითაა, გაიცემა ერთჯერადი ფინანსური დახმარება 300 (სამასი) ლარის ოდენობით.

2. მუნიციპალიტეტში წარმოსადგენი დოკუმენტებია:

ა) განცხადება მუნიციპალიტეტის მერის სახელზე;

ბ) პირადობის მოწმობის ასლი;

გ) ამონაწერი სოციალურად დაუცველი ოჯახების მონაცემთა ერთიანი ბაზიდან;

დ) სკოლის წარჩინებით დამთავრების დამადასტურებელი დოკუმენტი;

დ) საბანკო ანგარიში;

ე) ანგარიშსწორება მოხდება უნაღდო ანგარიშსწორების ფორმით.

მუხლი 15. თიანეთის მუნიციპალიტეტში მცხოვრებ მრავალშვილიანი ოჯახების ფულადი დახმარება

1. თიანეთის მუნიციპალიტეტში მცხოვრები მრავალშვილიანი ოჯახები, რომელთაც ჰყავთ 4 და მეტი არასრულწლოვანი შვილი წელიწადში ერთხელ მიიღებენ ერთჯერად ფულად დახმარებას 300 (სამასი) ლარის ოდენობით, თუ მშობლებიდან ერთ-ერთს აქვს მაღალმთიან დასახლებაში მუდმივად მცხოვრების სტატუსი.

2. მუნიციპალიტეტში წარმოსადგენი დოკუმენტებია:

ა) მშობლის განცხადება მუნიციპალიტეტის მერის სახელზე;



- ბ) განმცხადებლის პირადობის მოწმობის ასლი;
- გ) ყველა ბავშვის დაბადების მოწმობის ასლი;
- დ) ცნობა მაღალმთიან დასახლებაში მუდმივად მცხოვრები პირის სტატუსის შესახებ;
- ე) განმცხადებლის საბანკო ანგარიში;
- ვ) ანგარიშსწორება მოხდება უნაღლო ანგარიშსწორებით.

მუხლი 16. ახალშობილთა ოჯახების დახმარება

1. ერთჯერად ფინანსურ დახმარებას ახალშობილის შეძენის შემთხვევაში (ბავშვის შეძენიდან 3 თვის განმავლობაში) მიიღებენ ოჯახები, თუ ბავშვის მშობლებიდან ერთ-ერთს აქვს მაღალმთიან დასახლებაში მუდმივად მცხოვრების სტატუსი.
2. პირველი შვილის შეძენისას ოჯახი მიიღებს ერთჯერად დახმარებას 300 (სამასი) ლარის ოდენობით.
3. მეორე შვილის შეძენისას ოჯახი მიიღებს ერთჯერად დახმარებას 400 (ოთხასი) ლარის ოდენობით.
4. მესამე და მომდევნო შვილის შეძენისას ოჯახი მიიღებს ერთჯერად დახმარებას 500 (ხუთასი) ლარის ოდენობით.
5. ტყუპების შეძენის შემთხვევაში ოჯახი მიიღებს ერთჯერად დახმარებას 1000 (ათასი) ლარის ოდენობით.
6. მუნიციპალიტეტში წარმოსადგენი დოკუმენტებია:
 - ა) განცხადება მუნიციპალიტეტის მერის სახელზე;
 - ბ) განმცხადებლის პირადობის მოწმობის ასლი;
 - გ) შვილი(შვილების) დაბადების მოწმობის ასლები;
 - დ) ცნობა მაღალმთიან დასახლებაში მუდმივად მცხოვრები პირის სტატუსის შესახებ;
 - ე) განმცხადებლის საბანკო ანგარიში;
 - ვ) ანგარიშსწორება მოხდება უნაღლო ანგარიშსწორებით.

მუხლი 17. ბიოლოგიურ ოჯახებში რეინტიგრირებულ ბავშვთა ოჯახების დახმარება

1. თიანეთის მუნიციპალიტეტში მცხოვრებ ბიოლოგიურ ოჯახებში რეინტიგრირებულ ბავშვთა ოჯახები მიიღებენ ერთჯერად ფულად დახმარებას 500 (ხუთასი) ლარის ოდენობით ხელშეკრულების ვადის მოქმედების პერიოდში, წელიწადში ერთხელ (მშობლებიდან ერთ-ერთი რეგისტრირებული უნდა იყოს თიანეთის მუნიციპალიტეტში).
2. მუნიციპალიტეტში წარმოსადგენი დოკუმენტებია:
 - ა) განცხადება მუნიციპალიტეტის მერის სახელზე.
 - ბ) განმცხადებლის პირადობის მოწმობის ასლი.
 - გ) რეინტეგრაციაზე საოქმო გადაწყვეტილება.
 - დ) რეინტეგრაციის ხელშეკრულება;



ე) ცნობა საცხოვრებელი ადგილიდან;

ვ) საბანკო ანგარიში;

ზ) ანგარიშსწორება მოხდება უნაღდო ანგარიშსწორების ფორმით.

მუხლი 18. თიანეთის მუნიციპალიტეტში რეგისტრირებული უპატრონო მიცვალებულის ან უკიდურესად გაჭირვებული ოჯახის მიცვალებულის დაკრძალვის სარიტუალო ხარჯი

1. თიანეთის მუნიციპალიტეტში რეგისტრირებული უპატრონო მიცვალებულის ან უკიდურესად გაჭირვებული ოჯახის წევრის გარდაცვალების შემთხვევაში, თუ გარდაცვლილის ან დაკრძალვის ხარჯის გამღების სარეიტინგო ქულა სოციალურად დაუცველი ოჯახების მონაცემთა ერთიან ბაზაში 0-65 000-ის ჩათვლითაა, გაიცემა ერთჯერადი ფინანსური დახმარება 500 (ხუთასი) ლარის ოდენობით (გარდაცვალებიდან ორი კვირის განმავლობაში).

2. მუნიციპალიტეტში წარმოსადგენი დოკუმენტებია:

ა) დაკრძალვის ხარჯის გამღების განცხადება მუნიციპალიტეტის მერის სახელზე;

ბ) განმცხადებლის პირადობის მოწმობის ასლი;

გ) გარდაცვალების მოწმობის ასლი;

დ) განმცხადებლის საბანკო ანგარიში;

ე) ამონაწერი სოციალურად დაუცველი ოჯახების მონაცემთა ერთიანი ბაზიდან;

ვ) ანგარიშსწორება მოხდება უნაღდო ანგარიშსწორებით.

მუხლი 19. თიანეთის მუნიციპალიტეტში რეგისტრირებული ობოლი და მარჩენალდაკარგული სტუდენტთა ფინანსური დახმარება

1. თიანეთის მუნიციპალიტეტში რეგისტრირებული ობოლი ან მარჩენალდაკარგული სტუდენტი (რომელიც ბოლო ორი წელი სწავლობდა თიანეთის მუნიციპალიტეტის საჯარო სკოლაში), რომლის ოჯახის შეფასების სარეიტინგო ქულა მონაცემთა ერთიან ბაზაში არის 0-65 000-ის ჩათვლით, უმაღლეს საგანმანათლებლო დაწესებულებებში აკრედიტებულ პროგრამებზე სწავლის საფასურის თანადაფინანსებით ისარგებლებს არაუმეტეს 1125 (ათას ას ოცდახუთი) ლარისა სასწავლო წლის განმავლობაში საბაკალავრო პროგრამის დამთავრებამდე.

2. მუნიციპალიტეტში წარმოსადგენი დოკუმენტებია:

ა) განცხადება მუნიციპალიტეტის მერის სახელზე;

ბ) განმცხადებლის (სტუდენტის) პირადობის მოწმობის ასლი;

გ) ცნობა (ანგარიშ-ფაქტურა) აკრედიტებული უმაღლესი სასწავლებლიდან გადასახდელი თანხისა და შესაბამისი უმაღლესი სასწავლებლის საბანკო რეკვიზიტების შესახებ;

დ) ამონაწერი სოციალურად დაუცველი ოჯახების ერთიანი ბაზიდან;

ე) მშობლის ან მშობლების გარდაცვალების მოწმობა;

ვ) ცნობა სკოლიდან, ბოლო ორი წელი რომ სწავლობდა თიანეთის მუნიციპალიტეტის საჯარო სკოლაში;

ზ) შესაბამის ადმინისტრაციულ ერთეულში მერის წარმომადგენლის ცნობა – დახასიათება



სოციალურ-ეკონომიური მდგომარეობის შესახებ;

თ) ანაზღაურება მოხდება უნაღდო ანგარიშსწორებით შესაბამის უმაღლესი სასწავლებლის საბანკო ანგარიშზე.

მუხლი 20. თიანეთის მუნიციპალიტეტში რეგისტრირებული ახალდაქორწინებული ოჯახების დახმარება.

1. ახალდაქორწინებული ოჯახები მიიღებენ ერთჯერად ფინანსურ დახმარებას 500 (ხუთასი) ლარის ოდენობით, თუ ახალდაქორწინებულები (ორივე) ქორწინებამდე რეგისტრირებულნი არიან თიანეთის მუნიციპალიტეტში.

2. მუნიციპალიტეტში წარმოსადგენი დოკუმენტებია:

ა) განცხადება მუნიციპალიტეტის მერის სახელზე;

ბ) განმცხადებლის პირადობის მოწმობის ასლი;

გ) თიანეთის მუნიციპალიტეტში რეგისტრაციის დამადასტურებელი დოკუმენტი;

დ) ქორწინების მოწმობა;

ე) განმცხადებლის საბანკო ანგარიშის ნომერი;

ვ) ანგარიშსწორება მოხდება უნაღდო ანგარიშსწორებით.

მუხლი 21. სოციალური დახმარების გაცემის ორგანიზება და ადმინისტრირება.

1. თიანეთის მუნიციპალიტეტის ადგილობრივი ბიუჯეტიდან სოციალური დახმარებების გაცემის ორგანიზებას უზრუნველყოფს ადმინისტრაციული, ჯანმრთელობის დაცვისა და სოციალური უზრუნველყოფის სამსახურის, ჯანმრთელობის დაცვისა და სოციალური უზრუნველყოფის განყოფილება. განყოფილება ამოწმებს შემოსულ განცხადებებს თანდართულ დოკუმენტაციასთან ერთად და სრულყოფილ დოკუმენტაციას ამზადებს მერიაში შემოსული განცხადებების განმხილველ კომისიაზე განსახილველად. კომისიას არ ეგზავნება მე-2 მუხლის მე-3, მე-4, მე-5, მე-7, მე-8, მე-9, მე-10, მე-11, მე-12, მე-13, მე-14, მე-15, მე-16, მე-18 პუნქტებში მითითებული კატეგორიის განცხადებები.

2. თიანეთის მუნიციპალიტეტში რეგისტრირებული მოსახლეობისათვის სამედიცინო დახმარებისა და სოციალური დახმარებების მოწესრიგებულად გაწევის მიზნით, მერის ბრძანებით იქმნება მუნიციპალიტეტში სოციალური დახმარების მოთხოვნაზე შემოსული განცხადებების განმხილველი კომისია, რომელიც იღებს გადაწყვეტილებას სოციალური დახმარების გაწევისა და მუნიციპალიტეტის მიერ დასაფინანსებელი თანხის განსაზღვრის შესახებ, გარდა მე-2 მუხლის მე-3, მე-4, მე-5, მე-7, მე-8, მე-9, მე-10, მე-11, მე-12, მე-13, მე-14, მე-15, მე-16, მე-18 პუნქტების შესაბამისი განცხადებებისა.

3. კომისიის მიერ გადაწყვეტილების მიღებამდე განმცხადებლის (მამიებლის) გარდაცვალების შემთხვევაში, განცხადებაზე გადაწყვეტილება აღარ მიიღება.

4. კომისიის სხდომა ტარდება სულ მცირე თვეში ერთხელ, საჭიროების შემთხვევაში კომისიის სხდომის ჩატარება შეიძლება ნებისმიერ დროს.

5. წარმოდგენილი დოკუმენტაციის საფუძველზე კომისია იღებს საოქმო გადაწყვეტილებას მოქალაქისათვის ფინანსური დახმარების გაწევის შესახებ.

6. გადაწყვეტილების მიღებაზე კომისია უფლებამოსილია თუ ესწრება სრული შემადგენლობის ნახევარზე მეტი.

7. გადაწყვეტილება მიიღება დამსწრე წევრთა ხმათა უმრავლესობით. ხმების თანაბრად გაყოფის შემთხვევაში გადაწყვეტი ხმა ეკუთვნის კომისიის თავმჯდომარეს.



8. კანონიერი და სამართლიანი გადაწყვეტილების მიღების მიზნით, კომისია უფლებამოსილია საკუთარი ინიციატივით განმცხადებლისაგან, სამკურნალო დაწესებულებიდან ან სხვა პირებისაგან გამოითხოვოს მისთვის საჭირო ინფორმაცია ან დოკუმენტაცია, რომელიც ასახავს განმცხადებლის და მისი ოჯახის სოციალურ-ეკონომიურ მდგომარეობას.

9. საქართველოს ზოგადი ადმინისტრაციული კოდექსის მოთხოვნათა შესაბამისად, კომისიის ოქმს ადგენს კომისიის მდივანი და ხელს აწერს კომისიის სხდომაზე დამსწრე ყველა წევრი. კომისიის წევრი უფლებამოსილია, მიღებულ გადაწყვეტილებასთან დაკავშირებით განსხვავებული პოზიციის ქონის შემთხვევაში, ოქმს თან დაურთოს წერილობითი მოსაზრება.

10. ოქმი დგება სხდომის ჩატარებიდან არაუგვიანეს ორი დღისა.

11. კომისიის სხდომის ოქმის საფუძველზე მუნიციპალიტეტის მერი გამოსცემს ბრძანებას მოქალაქისათვის სოციალური დახმარების გაწევის თაობაზე.

12. დახმარების გაცემის წესის მე-2 მუხლის მე-3, მე-4, მე-5, მე-7, მე-8, მე-9, მე-10, მე-11, მე-12, მე-13, მე-14, მე-15, მე-16, მე-18 პუნქტების შესაბამისი კატეგორიის განცხადებებზე, ჯანმრთელობის დაცვისა და სოციალური უზრუნველყოფის განყოფილება განცხადებების შესწავლის შემდეგ, ამზადებს ბრძანების პროექტს და წარუდგენს მუნიციპალიტეტის მერს ხელმოსაწერად. მერი გამოსცემს ბრძანებას მათთვის ფინანსური დახმარების გაწევის შესახებ.

13. მუნიციპალიტეტის მერის ბრძანების საფუძველზე ანგარიშსწორებას ახორციელებს საფინანსო-საბიუჯეტო სამსახური.

14. საჭიროების შემთხვევაში მიღებული გადაწყვეტილების საფუძველზე მუნიციპალიტეტის მერი შესაბამის სამედიცინო დაწესებულების მიმართ გასცემს საგარანტიო წერილს, საჭირო სამედიცინო მომსახურების ღირებულების ანაზღაურების შესახებ. საგარანტიო წერილი გაიცემა იმ მოქალაქეზეც, რომელიც განცხადების დაწერის დროისთვის იმყოფება სტაციონარში.

15. შესრულებული სამუშოს შესახებ სამედიცინო დაწესებულებიდან წარმოდგენილი დოკუმენტის საფუძველზე გამოიცემა ბრძანება.

16. მოქალაქეს, რომელსაც ჩაუტარდა სამედიცინო მომსახურება საგარანტიო წერილის გარეშე და არ შეუძლია მომსახურების ღირებულების გადახდა, ჩატარებული სამედიცინო მომსახურებიდან არაუგვიანეს 30 კალენდარული დღისა, დავალიანების დამადასტურებელი დოკუმენტის წარმოდგენის შემთხვევაში თანხა შეიძლება გადაირიცხოს შესაბამის სამედიცინო დაწესებულებაში. დახმარების თანხა განისაზღვრება მე-3 მუხლის შესაბამისად.

